



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CCCLXIII. Kurfürst Johann bestätigt einen Vertrag Philipp Vinzelberg's mit den Bauern zu Schwarzenhagen, am 25. April 1494.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

gheheyten van vintzelberge, alle vnd eyn islick befunderen sin Ingefelg myt guden willen laten hangen nedden an dessen apen breff, De ghegeuen vnde geseueu ifs na der bort cristl vnser heren vyerteynhundert Jar, darna ymme vyer vnnde negentigsten Jare, amme sondage to mydfasten.

Nach dem Original. (Mittheilung des Herrn Geh. Reg.-Rathes von Werbed.)

CCCLXIII. Kurfürst Johann bestätigt einen Vertrag Philipp Vinzelberg's mit den Bauern zu Schwarzenhagen, am 25. April 1494.

Wir Johannis etc., Churfürst, Bekennen etc. —, Als vnser mann vnd lieb getrewen philips vintzelberg, zu witterhagen wonhaftig, vnd die gemeinen pauren des dorffs Swartenhagen vor vns erschinen mit antzeigung etlicher erblichen kauff, zwischen Inen gescheen, zehen huben lands, auff der veltmarcken zu witterhage belegen, mit holtzungen vnd wischen, auch das gantz dorff witterhagen mit aller vnd itzlicher seiner zubehorung, wie das der obgenant vintzelberg von vns vnd vnser herschaft zu lehen gehabt vnd bißher In gebrauchender gewehr besessen, belangend, laut der verschreibung, durch vintzelberg daruber gegeben vnd volzogen, des einen briue datum stett am tag Georij nach Cristl geburt MCCCC vnd darnach im LXXXX. Jar, vnd des andern Datum stett am achten tag der heiligen dreier konig Im LXXXXVIII Jarn, vndertheniglich bittend, des wir als der Landfurst Ine solchen erblichen kauff verwilligen vnd die genediglich zu bestettigen geruchen. Des haben wir solich ir zimlich bette angesehen vnd solichen gescheen kauff verwilligt, die auch laut der briue, daruber aufgangen, bestettigt vnd conuermirt vnd verwilligen, bestettigen vnd Conuermiren die, wie vorberurt, In crafft vnd macht dits briues mit dem bescheid vnd also, Dieweill philip vintzelberg Im vnd seinen erben vber die angezeigten huben vnd besitzern der houe Zins vnd pacht behalten, das er vnd sein erben die von vns, vnsern erben vnd nachkomen der Marggraueschaft zu Brandenburg hinfür zu rechtem manlehen haben vnd, so oft das nott thut, nemen vnd empfaben, vns auch dauon thun, dinen vnd halten sollen, als solcher lehen recht vnd gewanheit ist. Wir verwilligen, bestettigen vnd Conuermiren In auch hiran alles, was wir In von rechts wegen daran verwilligen, bestettigen vnd Conuermiren sollen vnd mogen, Doch vns, vnsern erben vnd nachkomen an vnsern vnd sunst Iderman an seinem rechten vnschedlich. Zu urkunth actum Arnburg, am freitag nach Jubilate Im LXXXXVIII.

Nach dem Churm. Lehn-Copialbuche XXVIII, fol. 1.